

**KERATAN AKHBAR-AKHBAR TEMPATAN
TARIKH: 10 MEI 2016 (SELASA)**

Bil	Tajuk	Akhbar
1.	Kuala Krai catat suhu maksimum 37.3 darjah Celcius - Madius	BERNAMA
2.	Amaran ribut, hujan lebat pada hari helikopter terhempas	Utusan Malaysia
3.	Helikopter bawa enam mangsa terbang ketika cuaca buruk	Kosmo
4.	Hujan lebat akibat peralihan monsun	Harian Metro
5.	El Nino semakin melemah	Harian Metro
6.	Downpour helps Bukit Merah Dam	New Straits Times
7.	Hot and dry spell to end soon	The Star
8.	Lima lelaki ditahan berhubung kes mayat rentung dalam kereta di Hulu Langat	BERNAMA
9.	Exceptional students	The Sun



Kuala Krai Catat Suhu Maksimum 37.3 Darjah Celsius - Madius

KUALA LUMPUR, 9 Mei (Bernama) -- Kuala Krai, Kelantan merekodkan bacaan suhu tertinggi dalam negara 37.3 darjah Celsius setakat 4 petang, hari ini.

Menteri Sains, Teknologi dan Inovasi Datuk Seri Madius Tangau berkata kawasan-kawasan tengah Semenanjung Malaysia yang lain juga turut mencatatkan bacaan suhu maksimum iaitu melebihi 35 darjah Celsius.

"Untuk bilangan hari tanpa hujan berturut-turut sehingga semalam (8 Mei), Kota Bharu, Kelantan terus merekodkan peningkatan iaitu 36 hari, diikuti oleh Mersing, Johor sebanyak 23 hari," katanya dalam satu kenyataan malam ini.

Beliau menasihati orang ramai agar banyak minum air dan mengurangkan aktiviti luar sewaktu keadaan cuaca panas.

Malaysia kini mengalami cuaca panas dan kering disebabkan fenomena El Nino dan Jabatan Meteorologi Malaysia meramalkan keadaan itu hanya akan berakhir pada Mei atau Jun.

-- BERNAMA

KERATAN AKHBAR
UTUSAN MALAYSIA (DALAM NEGERI) : MUKA SURAT 04
TARIKH: 10 MEI 2016 (SELASA)

Amaran ribut, hujan lebat pada hari helikopter terhempas

KUCHING 9 Mei - Faktor cuaca buruk mungkin punca helikopter dinaiki Timbalan Menteri Perusahaan Perladangan dan Komoditi, Datuk Noriah Kasnon bersama lima yang lain terlibat dalam nahas pada Khamis lalu.

Hal ini kerana amaran cuaca buruk telah dikeluarkan **Jabatan Meteorologi** pada hari sama helikopter jenis AS350 itu gagal dikesan selepas terputus hubungan dengan menara kawalan.

Jurucakap Jabatan Meteorologi Sarawak berkata, amaran ribut petir dan hujan lebat telah diked-

uarkan ke seluruh negeri ini pada 5 Mei lalu.

Katanya, amaran itu dikeluarkan selepas kelompok awan hujan mula terbentuk dan tersebar di bahagian Kuching, Samarahan, Serian, Sri Aman, Betong dan Sarikei bermula pukul 4 hingga 6 petang.

“Tompok awan hujan itu semakin aktif mulai pukul 4.30 petang sehingga 7 malam di sekitar Betong dan Sri Aman, malah bergerak luas ke Serian dan Samarahan sekitar pukul 5.30 petang,” katanya kepada *Utusan Malaysia* ketika dihubungi di sini hari ini.

Akhbar hari ini menyiarkan laporan seorang penduduk di rumah panjang Kampung Seduku mendakwa ternampak sebuah helikopter yang terbang melalui perkampungannya terkena panahan petir ketika hujan lebat, menyebabkannya menjadi tidak stabil.

Mengimbau detik cemas kira-kira pukul 4 petang Khamis lalu, Mona Lipek, 40, memberitahu, ketika kejadian itu, dia sedang berehat di beranda rumahnya sebelum ternampak empat buah helikopter terbang menuju ke Sebuyau, dekat sini.

KERATAN AKHBAR
KOSMO (TRAGEDI HELIKOPTER TERHEMPAS DI SARAWAK)
MUKA SURAT 6
TARIKH: 10 MEI 2016 (SELASA)

Helikopter bawa enam mangsa terbang ketika cuaca buruk

KUCHING - Helikopter jenis Eurocopter AS350 yang mengorbankan enam nyawa selepas ter-

hempas di Sungai Batang Lupar di Sebuyau Khamis lalu terbang ketika cuaca buruk.

Jurucakap Jabatan Meteorologi Sarawak berkata, amaran mengenai kejadian ribut petir dan hu-

jan lebat yang diramal pada pukul 4 hingga 6 petang di seluruh negeri pada hari itu telah dikeluarkan oleh jabatan meteorologi negeri.

"Amaran cuaca buruk itu dikeluarkan berikutan pengesanan kelompok awan hujan yang terbentuk secara berterusan di Kuching, Samarahan, Serian, Sri Aman, Betong dan Sarikei.

"Tompok awan hujan itu dilihat semakin aktif dari pukul 4.30 petang sehingga pukul 7 malam di sekitar Betong dan Sri Aman," kata beliau ketika dihubungi *Kosmo!* di sini semalam.

Kosmo! semalam melaporkan seorang penduduk di rumah panjang Kampung Seduku mendakwa, ternampak sebuah daripada empat buah helikopter yang terbang melalui perkampungannya terkena panahan petir ketika hujan lebat sebelum pesawat itu menjadi tidak stabil pada 5 Mei lalu.

Pesawat yang terkena panahan petir itu dipercayai melibatkan pesawat yang



KERATAN *Kosmo!* semalam.

membawa Timbalan Menteri Perusahaan, Perladangan dan Komoditi, Datuk Noriah Kasnon, suaminya, Tuan Asmuni Abdullah.

Turut terkorban ialah Ahli Parlimen Kuala Kangsar, Datuk Wan Mohammad Khairil Anuar Wan Ahmad, Ketua Setiausaha Kementerian Perusahaan Perladangan dan Komoditi, Datuk Dr. Sundaran Annamalai dan pengawal peribadi, Ahmad Sobri Harun.

**KERATAN AKHBAR
HARIAN METRO (SETEMPAT) : MUKA SURAT 12
TARIKH: 10 MEI 2016 (SELASA)**

Hujan lebat akibat peralihan monsun

Kuala Lumpur: Hujan lebat beserta ribut petir yang dialami sekarang adalah keadaan cuaca tipikal kerana negara berada dalam fasa musim peralihan monsun.

Ketua Pengarah Jabatan Meteorologi Malaysia (JMM) Datuk Che Gayah Ismail berkata, hujan lebat itu adalah semula jadi dan tiada kaitan dengan pembersihan awan.

“Fasa musim peralihan monsun sudah bermula pada minggu pertama April dan ia dijangkakan berakhir pada

minggu ketiga bulan Mei.

“Dalam tempoh ini, negeri di pantai barat dan pedalaman Semenanjung, barat Sabah serta barat dan tengah Sarawak terutamanya menerima hujan dan ribut petir di sebelah petang dan senja,” katanya.

Katanya, hujan lebat dan ribut petir berlaku secara tempatan iaitu tidak menyeluruh di setiap negeri.

“Mengikut rekod dan pemantauan radar, bagi minggu pertama Mei ini, negeri yang menerima jumlah hu-

jan yang banyak ialah Selangor.

“Hujan lebat beserta ribut petir ini boleh menyebabkan banjir kilat,” katanya.

Sehingga kelmarin, kawasan yang belum menerima hujan untuk tempoh yang lama ialah Kota Bharu, Kelantan iaitu selama 36 hari diikuti Mersing di Johor iaitu 23 hari.

Manakala, suhu tertinggi dicatatkan adalah sebanyak 37.3 darjah Celsius iaitu di Kuala Krai di Kelantan dan Mersing, Johor.

